



UNIVERSITÄTS-
BIBLIOTHEK
PADERBORN

Paraenesis De Eleemosyna

Alardus <Aemstelredamus>

[Köln], 1545

VD16 A 1250

Cohortatio.

[urn:nbn:de:hbz:466:1-63012](https://nbn-resolving.org/urn:nbn:de:hbz:466:1-63012)

DE ELEEMOSYNA.

elinet caput suum? Sunt hæc hominum constituti-
unculæ Erasme? An qui hæc sequitur pluris facit
hominum constitutiunculas quàm doctrinam Pau-
li? Paulus laborat manibus. Verum. Sed licebat nō
laborare ac de euangelio uiuere quod prædicabat,
quemadmodum & cæteri Apostoli. nos quoque
possumus colligere temporalia, qui pro uiribus te-
minam⁹ spiritualia. Hactenus ille copiosius idē &
neruosius in Apologia sua, sed ea haberi nobis nus-
quam potuit, libenter alioqui huc adiecturus.

Cohortatio.

Cohortari ad eleemosynam, & quanta uis sit
eius exponere, quantūq; ijs qui eam hilariter
erogant, commoditatem afferat, & proposi-
tum est nobis hac conciuicula & necessarium. Hoc
item sine ulla dubitatione confirmare, inter ea quæ
uel publice uel priuatim per q̄ necessaria sunt, nihil
esse prius eleemosyna. Proinde merito uoce magna
& bonis lateribus hoc sedulo debemus suadere, om-
niq; qua possumus cohortatione adniti, ut studio-
sos huius capeſſendę uirtutis efficiamus omnes. Ve-
rum ut magnes non quiduis ad se trahit, sed ferrū
duntaxat, cum sint alia multo leuiora, ita quamuis
bene monentum cohortatio, non mouet omnes, sed
iam propensos in id quod illi suadent. Utinam au-
tem id tam in procliui foret alijs quoq; persuade-
re, quàm uos uobis hoc habetis persuasissimum, ex
omnibus beneficētjs, eleemosynis atque cōmunica-
tionibus, nihil unquam præmij captandum esse nō
gloriam, non uoluptatem, non denique munera.

DE E L E E M O S Y N A .

Fere enim fit, ut imitentur hanc dona (teste Marciali) ne in nos ulla corrupti officij suspitio cōpetere possit. Difficile quidem dignus Christi economicus inueniri potest, qui in administrandis pauperum eleemosynis non suam, sed eius quærat gloriam qui eas suppeditarit. Quique secum identidē repetet non modo quid elargiatur, uerū quibus elargiatur, qua ratione elargiatur, quo quicquid loco, quo tempore, qua occasione, denique quatenus elargiatur. Hisce de rebus audimus quotidie querelas piorum hominum ex animo cupientium amplissimos ecclesiæ prouentus aliquanto circumspectius dispensari. Cæterum non est meum, aut mei similitum conuellere quod usu publico passim receptum est. Optare tamē fas est, ut diuinus ille spiritus afflet mentes, ut si filij Abrahæ, & dici & reuera esse uelimus, eius opera quoque non in postremis habeamus. Cuius cū multa minime uulgaria possent in medium adduci, tum ē multis eleemosyna siue potius hospitalitas eius uisa est nobis accommodatior. De his qui miranda gesserunt solemus dicere: In ceteris uicit omnes, in hoc uicit seipsum. De Abraham fas erit simile quiddam dicere. In omnibus factis Abraham incomparabilis est, & inimitabilis, in hospitalitate uero superat seipsum. In exhibēda em̄ eleemosyna iuxta ac beneficētia, quæ maxime conueniat obseruatio, unus ex omnibus Abraham, operibus suis exactissime uidetur expressisse, uir cum omni uirtutum laude multum, tum in hospitalitate plurimum admirandus. Nullam enim uirtutem literæ diuinæ sic attollunt Abraham, ut fidem & hu-

DE ELEEMOSYNA.

ius comitem eleemosynam atque hospitalitatem. In quo habemus exemplum, imaginem, symbolumque uere fidelis dispensatoris, atque prudentis œconomi quem constituit dominus super familiam suam, ut det illis in tempore dimensum cibum. Sed quid ego uetera conquiram? cum mihi liceat uti presentibus exemplis atque domesticis. An inestimabiles maiorum nostrorum eulogias, siue collationes primum in fabricas ecclesiarum, deinde in pastores, præterea in ecclesiarum ministros, postremum in pauperes & peregrinos plusquam liberalissime elargitas, ulla unquam labefactabit obliuio? Sed quid aliud est, quod ab eisdem prudenter excogitatum est, hoc uel præcipuum est, quod xenodochia & orphanotrophia aliquot, quibus nihil magnificentius uniuersus habet orbis extruxere. At uidete ne quam maioribus illis nostris pulcherrimum fuit tantam uobis horum xenodochiorum celebritatem, gloriamque reliquisse, sic uobis turpissimum sit ea quæ accepistis tueri & conseruare non posse. Deum immortalem quam multas nobis imagines non solum adintuendum, uerum etiam ad imitandum eleemosynarum expressas, pictores & ueteres & noui reliquerunt. Quas & uos, & posteriores uestri sibi semper in administrandis eleemosynis præponentes, animum & mentem uestram ipsa cogitatione hominum liberalium confirmare debetis. Maxime uellem hunc animum tam propensum in egenos, ab omni ostentationis specie uacuum imitarentur, & nostri seculi Satrapæ, coniecturis aliquot in suspensionem uenio, inuidia minore usuros, quam etiamnum utuntur qui-

D B. E L E E M O S Y N A

dam, si iuxta uobiscum Plautinū illud, re ipsa comprobarent. Et nostrum (inquit) officium nos facere æquam est. Neque id magis facimus, quam nos monet pietas.

Cohortationes aliquod plurimum allaturæ adiumentum ad eleemosynas hilariter impartendas.

EX Cypriano sermo. 1. de eleemosyna. Quam necessaria, quæ benigna est clemētia diuina, quæ cū sciat nō deesse sanatis quædam postmodū uulnera, dedit curādis denuo sanandis quæ uulneribus remedia salutaria. Nunquā denique fratres charissimi, admonitio diuina cessauit, nunquā tacuit, quæ minus in scripturis sanctis tam ueteribus quæ nouis semper & ubique ad misericordię opera dei populus, puocaretur, & canente atque exhortante spiritus sanctus quisquis ad spem regni cælestis instruitur, facere eleemosynas iuberetur. Mandat & precipit Esaiæ deus: Exclama, inquit, in fortitudine & noli parcere, sicut tuba exalta uocem tuā, & nuncia plebi meæ peccata eorum, & domui Iacob facinora eorum. Et cū peccata eis sua exprobrari precepisset, cūque eorum facinora pleno indignationis impetu, protulisset, dixissetque eos nec si orationibus & precibus & ieiunijs uterentur, satisfacere pro delictis posse, nec si in cilicio & cinere uoluerent, iram dei posse lenire: in nouissima parte demonstrans solis deum eleemosynis posse placari, addidit dicens: Frange esurienti panem tuum, & egenos sine tecto induc in domum tuam. Si uideris nudum uesti eum,